

# Fréttabréf

FIT



**Skrúðgarðyrkja**

**Skógrækt í Fossvogi**

**Sumarútleiga orlofshúsa**

**„Mér finnst rigningin æðisleg“**

## SVEINALISTI Í BYGGINGAGREINUM

Á þessari síðu; [www.samidn.is/sveinalisti](http://www.samidn.is/sveinalisti) má finna lista yfir þá aðila sem hafa klárað sveinspróf í byggingagreinum.

## FIT DAGATAL 2024

Hægt er að nálgast FIT dagatal á skrifstofum félagsins á eftirfarandi stöðum: FIT Stórhöfða 31, Reykjavík, Kirkjubraut 40, Akranesi, Austurvegi 56, Árborg, Strandvegi 54, Vestmannaeyjum og Krossmóa 4, Reykjanesbæ.

### Einnig er hægt senda tölvupóst á fit@fit.is

og panta dagatal. Við munum síðan senda dagatalið, hvert á land sem er.

## ORLOFSHÚSABÆKLINGUR FIT 2024 ER KOMINN ÚT

Boðið er upp á yfir 30 orlofsbúðir út um allt land og hús á Flóríða sem er í dagsleigu. Einnig er boðið upp á afslætti á ferðum með ferðaskrifstofum, afslætti vegna hótelgistinga, veiðikortið og fleira. Félagsmenn FIT eru eindregið hvattir til að nýta sér einhvern af þeim möguleikum sem þarna eru í boði. **Hægt er að senda tölvupóst á fit@fit.is og panta bækling** sem þá verður sendur í pósti. Vakin er athygli á því að allar sömu upplýsingar má finna á orlofsvef FIT, þ.m.t. lýsingar og myndir af orlofshúsunum.



## IÐNGREINAR Í REYKJAVÍK Á 19. OG 20. ÖLD

Borgarskjalasafn Reykjavíkur hefur opnað sýningu á skjölum er tengast iðngreinum. Skjölín sem notuð eru á sýningunni koma flest úr einkaskjalasöfnum einstaklinga og félagasamtaka. Til sýnis eru sveins- og meistarabréf, diplómur, teikningar, ljósmyndir og önnur skjöl. Sýningin er staðsett á 3. og 4. hæð Tryggvagötu 15 - Grófarhúsi í stigagangi og lesstofu safnsins, sem opin er virka daga milli 13:00 - 16:00.



## VEIÐIKORTIÐ 2024

Veiðikortið fyrir 2024 er í sölu eins og undanfarin ár. Kortið veitir nær ótakmarkaðan aðgang að vatnasvæðum vítt og breitt um landið. Kortið kostar 9.900 krónur í almennri sölu en 6.000 krónur fyrir félagsmenn FIT. Hver félagsmaður getur keypt eitt veiðikort. Glæsileg handbók fylgir kortinu.



## ÚT Í BLÁINN

Farið verður „Út í bláinn“ frá Stórhöfða 31 síðasta sunnudag í mánuði klukkan 13:00. Miðað er við að ferðir verði ávallt síðasta sunnudag mánaðarins fram í maí. Ferðirnar eru þátttakendum að kostnaðarlausu, einungis þarf að koma með góða skapið, ævintýrabrána og síðan er ekið út í bláinn á vit ævintýranna. Eru félagsmenn hvattir til að nýta sér ferðirnar ásamt fjólskyldu. **Ferðirnar verða farnar; 28. janúar, 25. febrúar, 31. mars, 28. apríl.**

Allar nánari upplýsingar í síma 535 6000

## ÚTILEGUKORTIÐ 2024

Með hækkandi sól mun Útilegukortið einnig verða til sölu á orlofsvef FIT. Því miður eru ekki komnar upplýsingar um verð á korti ársins en það verður niðurgreitt af FIT. Kortið veitir tveim fullorðnum og fjórum börnum undir 16 ára aldrí fría gistingu á tjaldsvæðum samstarfsaðila. Útilegukortið gildir fyrir tjöld, tjaldvagna, fellihýsi, hjólhýsi og húsbíla.

## FÉLAGSSKÍRTEINI

Minnum á að félagsskírteini veita félagsmönnum afslátt hjá fjölda fyrirtækja. Flestir afslættirnir eru á bilinu 5% til 15%. Félagsskírteini má nálgast **á mínum síðum á fit.is** og hlaða því rafrænt í símann. Á mínum síðum má sömuleiðis finna upplýsingar um fyrirtækin sem veita félagsmönnum FIT afslætti. Félagsmenn FIT geta einnig sótt um félagsskírteini hér hjá okkur á Stórhöfða 31 eða sent póst og fengið skírteinið sent heim.

## BRIDGE

Bridge verður spilað annan hvern fimmtudag fram til vors. Allir velkomnir. Nánari upplýsingar veitir Snorri Eiríksson; snorri@bygg.is.

# Að brenna af úr dauðafæri

**Það eru mikil vonbrigði að Samtök atvinnulífsins skyldu ekki hafa séð hag sinn í því ganga til samninga við breiðfylkinguna um hóflegar launahækkanir og kjarasamninga sem voru til þess fallnir að draga úr verðbólgu og vöxtum í landinu en um leið gera löngu tímabæra leiðréttingu á barna- húsnæðis- og vaxtabótum. Það er því miður ekki aðeins í handboltanum sem dauðafærin klikkuðu í janúar. Parna brenndi SA af.**



**Hilmar Harðarson**  
formaður

Ávinningurinn af því samkomulagi sem virtist um tíma vera í sjónmáli hefði bætt kjör íslenskra heimila - og um leið íslenskra fyrirtækja - svo um munaði. Nærri lætur að hvert prósentustig í vaxtalækjun spari fjölskyldu með hefðbundið, óverðtryggt húsnæðislán um 33 þúsund krónur á mánuði. Að sama skapi myndi lækjun verðbólgu hægja á hækjun höfuðstóls verðtryggðra lána og verja kaupmátt launafólks.

Eins og fram kom í yfirlýsingu frá breiðfylkingunni nýverið var viðsnúningur SA í þessum viðræðum illskiljanlegur. Samtökini lögðu þann 24. janúar síðastliðinn fram tilboð um lægri krónutöluhækjun en þau höfðu áður lagt fram. Það er afar undarleg nálgun í kjaraviðræðum, svo ekki sé fastar að orði kveðið. Viðræðuslit og vísun deilunnar til ríkissáttasemjara var óhjákvæmilegt skref á þessum tímapunkti.

## Ábyrgð ráðherra

Ummæli Bjarna Benediktssonar, nú utanríkisráðherra, um að boðaður aðgerðarpakki stjórvalda til handa Grindvíkingum gæti orðið til þess að stjórnvöld gætu ekki orðið við kröfum verkalyðshreyfingarinnar voru ekki til þess fallin að auðvelda það verkefni sem við tökumst á við. Það er ábyrgðarhluti af ráðherra í ríkisstjórn landsins að etja saman hópum með þessum hætti enda eru kjarasamningar til næstu fjögurra ára risavaxið efnahags- og velferðarmál. Stjórnvöld geta ekki skorast undan ábyrgð og skýlt sér á bak við verkefnið í Grindavík. Okkur ber skylda til að gera vel við Grindvíkinga í erfiðri stöðu en við verðum líka að standa þannig að kjarasamningum að samfélagið geti þrifist og fólk eigi til hnifss og skeiðar.

Það er ekki aðeins heimilum og fyrirtækjum mikilvægt að draga úr verðbólgu og lækka vexti. Ef hófsamir kjarasamningar yrðu til þess að skapa aðstæður til að stýrivextir gætu lækkað hratt, myndi ríkið um leið spara sér háar fjárhæðir í vaxtabýrði lána sinna. Það fengi útlagðan kostnað vegna stuðningsaðgerða við kjarasamninga að nokkru leyti til baka, ef vel tækist til. Ríkið á þannig sjálf mikið undir því að farsæl lausn náist í kjaraviðræðum launafólks.

## Ábyrgð ríkisvaldsins

Undirritaður bindur vonir við að ríkisstjórninni auðnist að horfa á heildarmyndina. Erfitt er að trúa, fyrr en á reynir, að ríkisvaldið muni skorast undan ábyrgð í þessum efnum. Ríkisvaldið ber nefnilega umtalsverða ábyrgð á ástandinu. Hagfræðingur ASÍ er einn þeirra sem á nýliðnu ári bent í að stjórnvöld hefðu kynt undir verðbólguna með hækjun skatta og opinberra gjalda.

Fleiri lykilleikendur í íslensku samfélagi bera ábyrgð á verðbólgunni. Það var ekki að ástæðulausu sem viðskiptaráðherra óskaði í haust eftir skýringum frá helstu verslanakeðjum á því hvers vegna dagvara hækkaði jafn mikið í verði og raun bar vitni. Það gerðist á sama tíma og krónan styrktist og verðbólga í heiminum hjaðnaði. Sterkara gengi hefði með réttu átt að skila sér í lægra vöruverði. Fleiri aðila má nefna, svo sem tryggingafélög og sveitarfélög. Ríkið og Samtök atvinnulífsins þurfa með öðrum orðum að líta í eigin barm, þegar finna þarf blóraböggla vegna efnahagsástandsins.

## Virkjum fleiri úrræði

Eins og áður segir vinnur ríkisstjórin að því að útfæra hvernig megi kaupa Grindvíkinga út úr þeirri pattstöðu sem þeir standa frammi fyrir. Það hvernig ríkisvaldið kemur til móts við Grindvíkinga á þessum erfiðum tínum er mikilvægur mælikvarði á samfélagið okkar. Það var ánægjulegt að sjá hvernig mörg stéttarfélög lögðu sitt af mörkum í þeim húsnæðisvanda sem upp kom þegar bærinn var rýmdur í haust.

Það er líka ljóst að búferlaflutningar heils bæjarfélags munu auka enn þenslu á húsnæðismarkaði, sérstaklega á höfuðborgarsvæðinu. Afar mikilvægt er að leita leiða til að draga úr áhrifum þessa á verðbólgu, enda er vart á bætandi.

Að sama skapi er mikilvægt að endurvekja úrræði á borð við endurgreiðslu virðisaukaskatts vegna framkvæmda og framlengja heimild til að greiða skyldusparnað inn á húsnæðislán. Efnahagsástandið hefur gengið mjög nærri heimilum landsins og mikilvægt er að öllum færum úrræðum sé beitt til, sem létt geta fólk í lífið.



Á myndinni eru fv. Hilmar Harðarson, formaður FIT, Sólveig Anna Jónsdóttir, formaður Eflingar, Ragnar Þór Ingólfsson, formaður VR og Vilhjálmur Birgisson, formaður Starfsgreinasambandsins og Verkalyðsfélags Akraness.

## Viðvarandi skortur á iðn- og tæknimenntuðu fólkí

Þessi veruleiki beinir enn á ný sjónum að þeirri staðreynd að á Íslandi er viðvarandi skortur á iðn- og tæknimenntuðu fólkí. Skortur er á nýju húsnæði og þeirri þekkingu sem þessar stéttir búa yfir. Það er óskiljanlegt að stjórnvöld hafi ekki fyrir löngu ráðist í stórátak í menntun iðn- og tæknifólks. Vissulega hefur eitthvað verið gert en betur má ef duga skal. Á sama tíma og hér bráðvantar menntað iðnaðarfólk þá er staðan enn síu að synja þarf fleiri hundruð um skólavist í þessum verðmætu greinum á hverju hausti. Það er óboðleg staða.

Byggingafyrirtæki reiða sig í auknum mæli í dag á innflutning erlends vinnuáfls. Því miður ber allt of mikið á að brotið sé á réttindum þessa hóps; bæði hvað varðar laun, vinnutíma og aðbúnað. Mörg fyrirtæki standa vel við bakið á starfsfólkí sínu, sama hvaðan það kemur, en svartir sauðir eru víða. Reyndin er að of stórr hluti þessa hóps er réttindalaus. Þar er ekki við þessa ágætu verkamenn að sakast. Þessi staða er miklu frekar vitnisburður

um hvernig stjórnvöldum hefur mistekist að tryggja nægt námsframboð í þessum lykilgreinum í íslensku samfélagi.

Því fyrr sem ríkið grípur til aðgerða og eykur kraftinn í framboði á iðn- og tækninámi, því fyrr verður hægt að saxa á þann húsnæðisskort sem virðist vera orðinn að lögmáli á Íslandi. Það myndi jafnframt létta svoltíð á álaginu á húsnæðismarkaði ef hægt væri að manna fleiri stöður í byggingariðnaði með því að mennta ungt fólk sem hér býr og vill læra, í stað þess að flytja inn verkamenn í þúsundatali sem allir þurfa tímabundið húsnæði.

Iðn- og tækninám á Íslandi er afar gott og vandað enda eru þessar greinar mjög eftirsóttar hjá ungu fólkí. Við þurfum á fólkí að halda sem þekkir íslenskar aðstæður og kaupendur þurfa að geta treyst því að verkið hafi verið unnið af fagmanni sem kann til verka. Taka þarf tillit til sjónarmiða um neytendavernd. Við megum sem samfélag ekki fara á mis við áhuga þessa vaxandi hóps, hóps sem hefur áhuga á iðn- og tækninámi.

Óskandi væri að ríkið nýtti dauðafæríð.



# Uppalin á garðyrkjustöð

**„Ætli þetta sé ekki í blóðinu, því að mamma mín, elsta systir míni, systursonur og föðurbróðir eru öll garðyrkjufraeðingar. Amma mín vann í mötuneyti Garðyrkjuskólans fyrstu ár hans og afi minn var mikill frumkvöðull í garðyrkju á Íslandi og hóf ferilinn í Hveragerði!“**

segir Ágústa Erlingsdóttir sem er námsbrautarstjóri skrúðgarðyrkjubrautar Fjölbautaskóla Suðurlands þegar hún er spurð út í það hvenær áhugi á garðyrkju hófst.

Ágústa byrjaði að kenna í Landbúnaðarháskólanum (Garðyrkjuskólanum) á vorönn 2008 og var svo fastráðin sem námsbrautarstjóri skrúðgarðyrkjubrautar í apríl það ár og hefur starfað þar síðan en nú er skólinn orðinn hluti af Fjölbautaskóla Suðurlands. Töluverðar breytingar hafa orðið í Garðyrkjuskólanum á Reykjum síðustu misserin, þar sem garðyrkja hefur verið kennd síðan 1939.

## Fjölbreytni

Fyrsta spurningin til Ágústu hlýtur samt ávallt að vera um hvar hún hafi fæðst og alist upp. „Ég fæddist á Akranesi en er frá Laufskálum II í Borgarfirði og ólst þar upp en ég bjó í Hveragerði í 2 ár á unglingsaldri á meðan móðir míni var í Garðyrkjuskólanum.“ Þannig að áhuginn á garðrækt byrjaði snemma? „Ég er uppalin á garðyrkjustöð og hef unnið við flest fög innan garðyrkju“ og hún hélt áfram eftir smá umhugsun „En eftir að hafa lokið námi í tækniteknun ákvæð ég að læra skrúðgarðyrkju því mér fannst það vera fjölbreyttasta starfið innan garðyrkjunnar og mig langaði að læra betur hellulagnir og hleðslur.“

Þegar samtalid berst að námi og kennslu í skólanum segir Ágústa „Það sem er skemmtilegast við námið er fjölbreytni faga, gaman að fá að læra að hlaða úr torfi og grjótti, gera tjarnir, fella tré og margt fleira“. Spurð hvort það hafi orðið miklar breytingar í faginu þann tíma sem hún hefur kennt í Garðyrkjuskólanum segir Ágústa „Það hefur orðið mikil þróun í annarsvegar umhverfismálum og nýjar

aðferðir komið til eins og blágrænar ofanvatnslausnir. Einnig hefur tækni fleygt fram og mikil af tækjum komin til sem léttu manni verkin í vinnunni“. Skólinn útskrifar nema annað hvert ár og það eru á bilinu 10-20 nemar sem útskrifast úr skrúðgarðyrkju við þau tækifæri.

## Menntun

Þegar við ræddum við Ágústu þá komumst við að því að hún hefur aflað sér mikillar þekkingar í gegnum tíðinna. Hún lærdi tækniteiknum í lónskólanum í Reykjavík og útskrifaðist þaðan 1999 og hóf síðan verknám í skrúðgarðyrkju hjá meistara í byrjun ársins 2000 og byrjaði á skrúðgarðyrkjubraut í Garðyrkjuskóla ríkisins þá um haustið. Hún útskrifaðist sem garðyrkjufraeðingur af skrúðgarðyrkjubraut í maí 2002 og tók sveinspróf um haustið. Meistari hennar var Yngvi Sindrason, og vann hún áfram hjá honum út árið 2003. Ágústa skráði sig í diploma nám í skrúðgarðyrkjutæknii hjá Garðyrkjuskóla ríksins haustið 2004. Síðan rann skólinn inn í Landbúnaðarháskóla Íslands í byrjun árs 2005 og útskifaðist hún úr diplománáminu (þá frá LbhÍ) í desember 2005. Á þessum tíma vann hún í fjölskyldufyrirtækinu Sigur-Görðum í Borgarfirði sem verkstjóri.

Við þökkum Ágústu fyrir spjallið og óskum henni áframhaldandi velgengni í störfum hennar að mennta garðyrkjufraeðinga framtíðarinnar.



## Garðyrkjunám undir hatti Fjölbautaskóla Suðurlands

Í Garðyrkjuskólanum á Reykjunum í Ölfusi fer fram menntun garðyrkjufraðinga framtíðarinnar. Garðyrkjuskólinn hefur verið starfræktur þar síðan 1939 og fagnar því 85 ára afmæli í ár. Skólinn var lengst af rekinn sem sjálfstæð eining en er nú rekinn sem deild innan Fjölbautaskóla Suðurlands og hefur verið það síðan 2022. Nám í Garðyrkjuskólanum skiptist niður á sex námsbrautir þar sem nemendur geta menntað sig til mismunandi starfa innan garðyrkjunnar. Allar námsbrautirnar eru fjórar annir í bóknámi í skólanum og 60 vikur í verknámi hjá fagfólk.



### Blómaskreytingar

Fyrsta brautin er blómaskreytingabraut. Þar læra nemendur að meðhöndla afskorin blóm og greinar og útbúa skreytingar fyrir öll helstu tilefni. Nemendur læra líka um almennan garða-gróður og sérstaklega um pottaplöntur til notkunar innanhúss. Segja má að blómaskreytar séu til staðar á mörgum áhrifamestu viðburðum á ævi fólks s.s. skírnir, fermingar, giftingar og jarðarfari. Þar sem skreytingar og blóm eru í áberandi hlutverki. Nemendur fara jafnan í verknám í blómabúðum, blómaheildsölum og fleiri állka vinnu-stöðum þar sem þeir fá góða æfingu í notkun afskorinna blóma auk þess að sinna viðskiptavinum og þjálfast í samskiptum við þá.

### Garð- og skógarplöntuframleiðsla

Næst má nefna garð- og skógarplöntuframleiðslubraut. Sú braut menntar nemendur til starfa í framleiðslu helstu garð-plantna s.s. sumarblóma, fjlærra plantna, runna og trjáa auk þess sem þeir læra að rækta skógarplöntur sem notaðar eru í nýrækt skóga. Nemendur fara í verknám á garðplöntustöðvum þar sem þeir læra

handtökum við fjölgun og ræktun allra helstu tegunda frá fræi eða græðlingum upp í söluhæfa vöru. Í þessu starfi eru samskipti við viðskiptavini líka atriði sem gott er að æfa þar sem margar garðplöntustöðvar eru með opna plöntusölu yfir sumartímann og jafnvel allt árið um kring.

### Lífræn ræktun matjurta

Námsbraut um lífræna ræktun matjurta er nýjasta brautin við skólanum. Hún er einnig ein sú vinsælasta og fjöldi nemenda sem stundar þar nám. Nemendur læra að rækta matjurtir með lífrænum aðferðum og fræðast um þær reglur sem gilda um lífræna ræktun svo hægt sé að fá vottun á afurðirnar. Mikil áhersla er á jarðgerð og hvernig megi búa til góðan ræktunar-jarðveg sem er lykillinn að góðum árangri í ræktun sem þessari. Nemendur fara í verknám á stöðum þar sem er stunduð lífræn ræktun en ein helsta áskorun þessa náms er hversu fáir verk-námsstaðir eru í þessum geira. Við sjáum þó fram á bjartari tíma í þeim efnum þar sem margir þeirra nemenda sem hafa útskrifast undanfarin ár hafa hafið ræktun með lífrænum aðferðum með afburðagögðum árangri.



## Ylrækt

Ylræktarbraut er sú braut sem hefur verið hvað lengst í boði við skólann. Þar læra nemendur að rækta matjurtir ymiss konar bæði inni í gróðurhusi og utanhus. Tómatar, gúrkur, paprikur, salat, gulrætur og íslensk blóm eru hluti af því sem þetta fag hefur uppá að bjóða og má sjá afurðir þeirra í öllum helstu matvöruverslunum landsins. Nemendur fara í verknám á garðyrkjastöðvar víðs vegar um landið en þær eru flestar frekar sérhæfðar. Það er því gott ef nemendur geta unnið á fleiri en einum stað svo þeir geti kynnt ræktun mismunandi framleiðsluvara enda eru aðferðir nokkuð frábrugðnar í ræktun þessara tegunda.

## Náttúra og skógrækt

Námsbraut skógar og náttúru kennir nemendum allt það helsta er varðar skógrækt allt frá útplöntun skógarplanta yfir í trjáfellingar og viðarvinnslu. Einnig fræðast nemendur um náttúru og dýralif, stíggagerð og fleira sem tengist útivist folks í skógum og náttúru landsins. Með aukinni áherslu á kolefnisbindingu og ræktun skóga mun þörfin fyrir fólk með þessa menntun klárlega aukast á næstu árum. Nemendur á þessari braut fara í verknám hjá stofnunum eins og Landi og skóg, skógræktarfélögum landsins eða hjá verktökum sem koma að útplöntunum á skógarplöntum, grisjun og/eða viðarvinnslu.

## Skrúðgarðyrkja

Síðast en ekki síst er svo skrúðgarðyrkjubrautin sem er eina löggilda iðngreinin sem kennd er við skólann. Á starfsviði skrúðgarðyrkjju er allt það sem tengist því að búa til nýja garða og gróðursvæði auk umhirðu þessara svæða. Nemendur læra því að jarðvegsskipta, helluleggja, hlaða veggjí úr náttúrugrjóti, klippa tré og runna, setja upp leiktæki og leiksvæði, útbúa tjarnir, sinna slætti og ýmislegt fleira. Nemendur á þessari braut fara í verknám hjá skrúðgarðyrkjumeistara og getur það verið í garðyrkjudeildum sveitafélaga eða kirkjugarðanna, hjá verktökum í einkageiranum og fleiri stöðum. Í þessu fagi er nokkur sér-hæfing úti á vinnu-markaðnum þar sem fyrirtæki einbeita sér yfirleitt annað hvort að nýframkvæmdum eða umhirðu. Að bók- og verknámi loknu geta nemendur breytt sveinspróf og í framhaldinu farið í meistaraskólan. Gríðarleg vontun er á menntuðu fólk í skrúðgarðyrkjju og næga vinnu að hafa fyrir þá sem klára sveinspróf.

## Samstarf við atvinnulífið

Samstarf skólans við atvinnulífið hefur verið mjög gott í gegnum árin og er skólanum mjög mikilvægt. Fulltrúar atvinnu-lífsins hafa tækifæri til að hafa áhrif á þróun námsins og innihald þess í gegnum fagnefndir sem tengjast hverri braut. Fulltrúar atvinnulífsins koma jafnt úr röðum atvinnurekenda, frá verkalyðshreyfingunni og úr opinbera geiranum. Þetta góða samstarf tryggir að úr skólanum náum við að útskrifa fólk sem er vel búið til þess að verða fullgildir meðlimir í faginu og tryggjum að það búi yfir þeirri hæfni sem þarf.

## Eftir sameiningu

Lífið innan Fjölbautarskóla Suðurlands er gott og hefur þessi sameining gengið nokkuð vel fyrir sig. Stærstu hindranirnar framundan eru endurnýjun og uppbygging á húsnæði skólans sem er í heldur bágu ástandi. Nokkrar nefndir hafa verið að störfum hjá ríkinu við það að ákveða hvað á að framkvæma, hvernig og hvenær og mun það eflaust taka sinn tíma að ljúka þeirri vinnu. Við bindum þó vonir við að þetta skili allt góðri niðurstöðu. Möguleikarnir í garðyrkju eru óteljandi og tengsl fagsins við t.a.m. loftslagsmarkmið ríkisstjórnarinnar og áætlanir í skógrækt og framleiðslu matvæla sýna hve mikilvægt er að hlúa að menntuninni sem býr til fagmenn framtíðarinnar.

En ástand húsnæðisins stoppar okkur ekki í því að hugsa til framtíðar og þeirra möguleika sem þar leyнast. Nokkur undirbúningur hefur þegar átt sér stað í þá átt að bjóða upp á nám í trjáklifri og mennta þar til fags sem viðast hvar í nágrannalöndum okkar kallast arboristi. Vonir okkar standa til þess að geta boðið upp á þessa nýjung á næstu árum svo að fólk þurfi ekki að sækja sér þessa menntun til annarra landa með tilheyrandi kostnaði. Þörfin fyrir þetta nýja fag hérlandis mun aukast verulega á næstu árum enda er trjágróðurinn jafnt og þétt að verða hærri og gamla mytan um að á Íslandi sé nóg að standa upp ef maður týnist í skóginum á ekki lengur við. Einnig sjáum við sóknarfæri í framboði á menntun sem tengist umhverfis og loftslagsmálum en brýnasta verkefni dagsins er án efa að ljúka framkvæmdum við aðstöðu Garðyrkjuskólan hér á Reykjum.

Möguleikarnir bíða okkar í hrönnum og við stefnum á að hafa framtíðina græna.



“

**Mér finnst  
rigningin  
æðisleg”**



„Ég sá fyrir mér að þetta gæti orðið skemmtilegt. Ég hef gaman af því að vera úti í öllum veðrum og svo ég hef alltaf haft svolítinn áhuga á þessu.“  
**Þetta segir Njarðvíkingurinn og garðyrkjufræðingurinn Svavar Skúli Jónsson, starfsmáður Reykjavíkurborgar í Grasagarðinum.**

Afi Svavars var mikið í trjárækt sem og kartöflu- og gulrótar-ræktun, þegar Svavar var ungar drengur. Hann fékk þannig nasáhefni af garðyrkjunni snemma. „Þegar kom að því að velja hvað ég myndi leggja fyrir mig var þetta ofarlega á blaði.“

Svavar er 31 árs en byrjaði tvítugur í garðyrkjunáminu að Reykjunum. Hann lauk bóknámi 24 ára; lærði fyrst lifræna ræktun en tók verknámið í Grasagarðinum. Þar fann hann sig vel. Svavar er í dag trúnaðarmaður FIT á vinnustaðnum en í Grasagarðinum eru átta starfsmenn, þar af fimm með garðyrkjumenntun.

### Aldrei lognmolla

Spurður hvort janúar sé rólegur tími hjá garðyrkjufólki á Íslandi segir Svavar það af og frá. „Sumarið hér er svo stutt að það þarf að halda afar vel á spilunum. Allt þarf að vera tilbúið þannig að við erum á fullu allt árið um kring. Stundum er meira að segja meira að gera á veturna en á sumrin. Það þarf til dæmis að yfirfara öll gróðurhús og sinna viðhaldi á verkfærum, svo dæmi séu tekin.“ Hann segist oft hugsa með sjálfum sér að hann grípi í einhver tiltekin verkefni þegar um hægist yfir vetrartímann en raunin verði iðulega sú að hann hafi meira en nóg að gera. „Þetta róast aldrei,“ segir hann glæðbeittur.

Þegar FIT ræddi við Svavar var hann að vinna við að bjarga hellum sem frosið höfðu niður í kuldanum, áður en það hlánaði. „Ég er svo að bíða eftir frosti til að geta farið að fella tré,“ svarar hann spurður um verkefni vikunnar. Viðtalið var tekið snemma í janúar. Þrátt fyrir að þá hafi verið langt í vorið voru starfsmenn Grasagarðsins þegar byrjaðir að undirbúa sáningu, sem hefst í febrúar. „Ég er að jafnaði byrjaður að hugsa um sumarið þegar ég kem úr jólafrínu,“ segir hann og bætir við að undirbúa þurfi gróðurhúsin vel fyrir sáningu. Til dæmis þurfi að þrífa húsin og sótthreinsa, til að fyrirbyggja smit á milli plantna. „Pau eru mörg, handtökum sem við þurfum að vinna á þessum árstíma,“ áréttar hann.



Svavar er svo ánægður í Grasagarðinum að draumar hans um eitthvað annað verða að engu.



Garðyrkjufólk þarf að halda vel á spilunum á sumrin.

### Helst ekki í summarfrí á sumrin

Það þarf sennilega ekki mikinn spámann til að geta sér til um að uppáhaldsárstíð garðyrkjumannsins sé sumarið. Það má til sanns vegar færa í tilfelli Svavars. „Ég gerði þau mistök síðastliðið summar að taka mér summarfrí í maí og júní en það ætla ég helst að reyna að forðast. Maður þarf að halda vel á spilunum á sumrin.“

Það sem heillar Svavar hvað mest við garðyrkjuna er starfs-umhverfið. Það á sérstaklega vel við hann að vinna úti í öllum veðrum. „Rigning og hláka er uppáhaldsveðrið mitt. Mér finnst rigningin alveg æðisleg. Það þýðir reyndar lítið að vera garðyrkju-maður á Íslandi og kunna ekki að meta góða rigningu.“ Hann rifjar upp að hjá þeim í Grasagarðinum hafi eitt sinn unnið Ítali. Hann hafi snemma spurt hvaða verkefnum þau sinntu þegar rigndi. „Hann sá fyrir sér einhver þægileg inniverkefni,“ segir Svavar og bætir við að garðyrkjufólk yrði lítið úr verki á Íslandi ef það héldi sig innandyra í rigningu.

Hann segir raunar að glampandi sólskin sé mest krefjandi veðrið. „Maður er langþreyttastur eftir að hafa verið úti í sól allan daginn. Maður þarf stöðugt að verja sig fyrir sólinni.“



## Ánægður á vinnustaðnum

Svavar er nýtekinn við sem trúnaðarmaður starfsmanna. Honum líst að sögn vel á að vera samstarfsfólkí sínu innan handar þegar eitthvað bjátar á. Hann hefur sótt einhver námskeið vegna hlutverksins en á eftir að læra meira. Svavar segist taka við góðu búi því fyrrverandi trúnaðarmaður sé enn starfsmaður í Grasagarðinum. „Hún hefur verið dugleg að minna mig á að nýta það sem stendur til boða.“

Garðyrkjan er starf sem Svavar hyggst stunda út starfsævina, að óbreyttu. „Ég er ekki að fara neitt. Ég var heillengi að fá fastráðningu hérna og er raunar í smá vandræðum. Mig dreymir stundum um eitthvað annað en ég er bara svo ánægður hér að ég get ekkert hugsað mér að fara neitt annað.“

## Vorið kemur ekki í apríl

Það er erfitt að kveðja garðyrkjumann án þess að biðja hann um heilræði fyrir vorið, þegar garðverk húseigenda eru annars vegar. FIT kemur ekki að tómum kofanum þar. „Ekki fara of snemma af stað. Algengustu mistökin sem fólk gerir er að halda að vorið sé komið í apríl, þegar það hlýnar í nokkra daga. Vorið kemur aldrei í apríl svo þú ættir ekki að fara að bera á garðinn þinn þá. Einbeittu þér frekar að því að fræðast um garðyrkju og passa að vera tilbúinn þegar sumarið kemur, til dæmis dytta að verkfærum. Ekki vaða af stað í apríl.“



## Skógrækt í Fossvogi fyrir 70 árum

“

Ein helsta hindrunin á fyrstu áratugum skipulagðrar skógræktar á Íslandi var skortur á trjáplöntum. Til að rækta upp skóga að einhverju marki, að útvega fræ og þróa þekkingu á því hvaða trjátegundir þrifust best við íslenskar aðstæður.”

Þetta kemur fram á vef Skógræktarfélags Reykjavíkur.

Gróðrarstöðin í Fossvogi, sem sjá má á meðfylgjandi myndum, var stofnuð árið 1932, á landi sem bæjarstjórn Reykjavíkur afhentí Skógræktarfélöginnu. Landið var frjósamt og hallaði mótt suðri en skjóllaust. Byrjað var á því að ræsa það fram og rækta upp skjólbelti.

Fram kemur á vef félagsins að árið 1950 hafi 67 þúsund plöntur verið afhentar úr stöðinni og 157 þúsund árið 1952. Birki, sitkagreni, rauðgreni, stafafura, hlynur, reynir, viðir og rif voru á meðal tegunda en um 60 tegundir voru ræktaðar í Fossvogsstöðinni.

Meðfylgjandi myndir eru frá árinu 1955. Á þeim má sjá ungt fólk vinna við trjáplöntur. Í baksýn má sjá Kópavogshæðina en óhætt er að segja að allt umhverfi ræktunarinnar hafi tekið stakkaskiptum á þeim tæplega 70 árum sem liðin eru frá því þessar myndir voru teknaðar.

Um aldarnotin var landið í Fossvogi selt Reykjavíkurborg. Þar sem Fossvogsstöðin var er nú Ræktunarstöðin í Fossvogi og útvistarskógrinn Svartiskógrur.





## Húsið í Kiðárbotnum

„Það má segja að við séum að vinna að allsherjarbreytingu á húsinu,“ segir Elvar Alfreðsson, annar tveggja sem nú í veturn vinna að endurbótum og umfangsmiklum breytingum á orlofshúsi FIT í Kiðárbotnum.

Beðinn um að lýsa framkvæmdunum svarar Elvar því til að bæði sé verið að lengja og breikka húsið. „Við erum að smiða tvær við-byggingar við húsið. Við skiptum um þak á húsinu, alla innveggi, veggjaklæðningar, innihurðir og góllefni. Ný klæðning verður sett utan á allt húsið og einangrun,“ segir Elvar og bætir við að í raun muni aðeins grind hússins verða óhreyfð, sem og hluti af þaki. „Þetta verður virkilega flott,“ bætir hann við.

### Kalli félagsfólks svarað

Eins og fram kom í orlofshúsakönnun FIT, sem lögð var fyrir félagsfólk í haust, var tími kominn á viðhald hússins. Ákveðið var að ganga skrefi lengra og gera húsið sem nýtt. Með lengingu hússins, upp á 2,3 metra, verður bæði stofan og eldhúsið stækkað. Helmingur hússins verður svo breikkaður. Þar bætist við herbergi, baðherbergi og forstofa. „Þetta er rosalega mikil breyting og þetta verður glæsilegt hús, þegar verkinu verður lokið.“

Elvar og félagi hans dvelja í öðru húsi félagsins í Húsafellí á meðan á verkinu stendur. Þeir gista alla jafna frá mánudegi til fimmtudags, nema veður riðli þeim áætlunum. Oftast eru þeir tveir að vinna í húsinu en stundum allt að fjórir. Það ræðst af þeim verkefnum sem fyrir liggja hverju sinni.





## Á undan áætlun

Elvar segir að verkið gangi í raun ótrúlega vel. Hann meti það svo að þeir séu á undan áætlun miðað við umfang breytinganna. „Við höfum verið að rembast eins mikið og við getum utandyra og erum til dæmis búnir að klæða þrjár hliðar af sex. Við höfum reynt að spara inniverkefnin með það fyrir augum að geta verið inni þegar koma vond veður. Veðrið hefur verið það gott að við erum mjög vel á veg komnir utandyra og í raun komnir lengra en við höfðum þorað að vona miðað við árstíma“ segir hann.

Elvar segir að stefnt sé að því að taka húsið í notkun fyrir sumarið en nánari dagsetning hafi ekki verið ákveðin. Hún ráðist af framvindu verksins. „Svona verkefni hefur tilhneigingu til að vindu upp á sig. Það bætist oft við verkefnalistann þegar verkið er hafið - enda borgar sig að gera þetta almennilega,“ segir hann að lokum.



# Mikil andlitslyfting á Stóra-Hofi

Vinnu við endurbætur á orlofshúsi félagsins á Stóra-Hofi í Gnúpverjahreppi er lokið. Georg Ólafsson málari og umsjónarmaður sumarhúsa hjá FIT tók húsið í gegn. Hann bar á allt timburverk að utanverðu, þar með talið glugga, þak-kanta, geymsluskúr, veggi og pall, tvær til þrjár umferðir.

Að innanverðu fór Georg yfir öll rými hússins. „Ég gerði við allt það sem mér fannst þurfa að gera við og lagaði meðal annars skemmd í gólfí,” segir hann og heldur áfram. „Ég endurnýjaði dýnur, sængurföt og kodda. Setti ný náttborð, nýtt sjónvarp og endurhannaði eldhúsið. Ég setti upp nýjan vínskáp, kom fyrir spánýju sófaborði og hliðarborðum við sófasettið. Ég fór yfir, slípaði og málæði alla glugga að innan,” segir Georg. Hann setti jafnframt upp nýjan skáp inn á baði í stað hillu sem komin var til ára sinna. Búsahöld og annað innbú var endurnýjað eftir þörfum. „Ég fór satt að segja yfir allt húsið og skipti út því sem þurfti að skipta út,” segir Georg um verkið.

Hann segir að ýmislegt í húsinu hafi verið komið á tíma og sumt hafi verið orðið verulega þreytulegt. Eftir þessa andlitslyftingu segir Georg að húsið sé í miklu betra ásigkomulagi. Hann stefnir á að bera þekjandi málningu á húsið að utan með vorinu, ef færí gefst.





## Kosningar í embætti hjá Félagi iðn- og tæknigreina



### Í 17. gr. laga félagsins segir:

Fyrir 1. febrúar ár hvert skal stjórn félagsins gera tillögu um uppstillingarnefnd sem starfar á milli aðalfunda. Fyrir aðalfund ár hvert skal kjósa hluta stjórnar. Kosningu skal skipt milli ára þannig að annað árið sé kosinn formaður, sex meðstjórnendur og tveir varamenn, en hitt árið sex meðstjórnendur og þrír varamenn. Stjórnin skiptir að öðru leyti með sér verkum samkvæmt ákvæðum 16. greinar.

Á aðalfundi skal árlega kjósa uppstillingarnefnd, two skoðunar-menn reikninga, helming trúnaðarráðs og fulltrúa í fulltrúaráð lífeyrissjóða sem FIT á aðild að. Auk þess skal kjósa fulltrúa á þing ASÍ og Samiðnar þau ár sem þau eru haldin.

Uppstillingarnefnd skal skila tillögum að framboðum í stjórn, nefndir og fulltrúaráð á hvert og þing Samiðnar og ASÍ þau ár sem þau eru haldin og **skal stjórn fyrir 1. febrúar kynna framkomnar tillögur á heimasíðu félagsins og í rafrænu fréttabréfi.**

**Félagsmenn geta boðið sig fram til formanns eða stjórnar hafi þeir aflað sér 20 meðmælenda og skilað framboði fyrir 20. febrúar. Komi aðeins ein tillaga fram er stjórnin sjálfkjörin, en ef fleiri tillögur koma fram skal viðhöfð allsherjarkvæðagreiðsla eða rafræn kosning.**

### Um kosningu í trúnaðarráð og samninganefnd segir í 20. grein félagslaganna:

Trúnaðarráð skal starfa í féluginu. Trúnaðarráð gegnir hlutverki samninganefndar við gerð kjarasamninga.

Í trúnaðarráði skulu eiga sæti, auk félagsstjórnar, 37 félagsmenn og 37 til vara, sem kjörnir eru á sama hátt og félagsstjórn. Skulu þeir númeraðir frá 1 - 74 og kjörnir þeir sem hafa oddatölu annað árið og jafna tölu hitt árið. Þeir skulu endurspegla sem flestar starfsgreinar og svæði félagsins. Auk þess eiga trúnaðarmenn félagsins á vinnum- stöðum sæti í ráðinu sem og þeir aðrir sem kjörnir eru til trúnaðar-starfa fyrir félagið.

### 21. grein laganna fjallar um kjörstjórn og er eftifarandi:

Kjörstjórn skal vera starfandi í féluginu. Hlutverk hennar er að annast um atkvæðagreiðslur um kjarasamninga, verkföll og allsherjarkvæðagreiðslur samkvæmt lögum félagsins.

Tveir kjörstjórnarmenn og tveir til vara skulu kjörnir á sama hátt og stjórn. Vegna atkvæðagreiðslna um kjarasamninga og verkföll skipar samninganefnd þriðja kjörstjórnarmanninn og skal hann vera formaður kjörstjórnar.

Við aðrar allsherjarkvæðagreiðslur skipar miðstjórn ASÍ þriðja kjörstjórnarmanninn og skal hann vera formaður kjörstjórnar.

# Tillögur uppstillingarnefndar fyrir aðalfund FIT 2024

## TILLAGA UPPSTILLINGARNEFDAR UM HLUTA STJÓRNAR TIL ÁDALFUNDAR 2026

Tryggvi F. Arnarson	Varamenn
Kristján Þórðarson	Unnur Ósk Eggertsdóttir
Einar Þór Gíslason	Logi Halldórsson
Einar Smári Garðarsson	Rúnar Bogason
Sigurjón Hilmarsson	
Stefán Þór Pálsson	
Steinunn B. Bragadóttir	

## TILLAGA UM ÁDALMENN Í HELMING TRÚNAÐARRÁÐS TIL ÁRSINS 2026

2 Hlynur Steinn Kristjánsson	Reykjavík	Húsasmiður
4 Kristján Geir Jóhannesson	Sauðárkróki	Bifvélavirkir
6 Kristinn Bjarnason	Reykjavík	Bifvélavirkir
8 Sigfús Birgir Haraldsson	Selfossi	Bifvélavirkir
10 Sigurður Ástráðsson	Selfossi	Bifvélavirkir
12 Guðlaugur Rúnarsson	Reykjavík	Vélvirki
14 Finnur Traustason	Kópavogi	Málari
16 Anna Kristín Guðnadóttir	Reykjavík	Bifreiðasmiður
18 Sigurður Óli Ingvarsson	Reykjavík	Blikksmiður
20 Elías Þorsteinsson	Akranesi	Vélvirki
22 Svanhildur Björk Sigfúsdóttir	Reykjavík	Garðyrkjum.
24 Birgir Gíslason	Kópavogi	Málari
26 Benedikt Viggósson	Súðurnesjabær	Húsasmiður
28 Árni Stefánsson	Reykjavík	Pípulagningam.
30 Davíð Þór Hlinason	Reykjavík	Múrari
32 Stefán Sigurbjörn Agnarsson	Vestmannaeyjum	Vélvirki
34 Einar Pálsson	Reykjavík	Tækniteiknari
36 Stefanía Stefánsdóttir	Grindavík	Tækniteiknari
38 Hildur Rán Tórshamar	Hafnarfirði	Hárið
40 Ragnheiður Árnadóttir	Þorlákshöfn	Hárið
42 Valdimar Þorvaldsson	Akranesi	Vélvirki
44 Rúnar Breiðfjörð Ásgairsson	Mosfellsbæ	Bifvélavirkir
46 Alexander Þórðarson	Reykjavík	Bifvélavirkir
48 Jóhann Valur Jónsson	Kópavogi	Múrari
50 Tadas Augustinaitis	Reykjavík	Múrari
52 Magnús Heiðar Þorgeirsson	Kópavogi	Blikksmiður
54 Guðmundur Bergsson	Selfossi	Húsasmiður
56 Ellisif Malmö Bjarnadóttir	Selfossi	Skrúðgarð.
58 Ólafur Friðrik Ólafsson	Borgarnesi	Málmsuðum.
60 Berglind Ásgeirs dóttir	Reykjavík	Garðyrkjum.
62 Georg Kristinn Sigurðsson	Reykjavík	Húsasmiður
64 Björgvin Björgvinsson	Grindavík	Húsasmiður
66 Ágúst Erling Kristjánsson	Vestmannaeyjum	Húsasmiður
68 Magnús Már Haraldsson	Reykjavík	Pípulagningam.
70 Sumarliði Árnason	Mosfellsbæ	Múrari
72 Ingibjörg Kristín Valsdóttir	Mosfellsbæ	Tækniteiknari
74 Stefán Örn Ólafsson	Reykjavík	Vélvirki
76 Arnór Ágústsson	Reykjavík	Blikksmiður

## TILLAGA UPPSTILLINGARNEFDAR FYRIR ÁDALFUND 2024 UM KJÖRSTJÓRN TIL ÁRSINS 2025

Ádalmann	Reykjavík	Bifvélavirkir
Kristinn Bjarnason	Reykjavík	Vélvirki
Logi H. Halldórsson	Reykjavík	
Varamenn		
Ólafur Kristinn Hafsteinsson	Reykjavík	Bifvélavirkir
Maron Tryggvi Bjarnason	Reykjavík	Bifvélavirkir

## TILLAGA UPPSTILLINGARNEFDAR FYRIR ÁDALFUND 2024 UM FÉLAGSLEGA SKODUNARMENN TIL ÁRSINS 2025

Ádalmann	Kópavogi	Málari
Birgir Gíslason	Hafnarfirði	Bifvélavirkir
Varamenn		
Unnar Friðrik Sigurðsson	Akranesi	Vélvirki
Sigfús Birgir Haraldsson	Reykjavík	Bifvélavirkir

## TILLAGA UPPSTILLINGARNEFDAR UM ÁDAL- OG VARAFULLTRÚA Á ÁDALFUNDI BIRTU LÍFEYRISSJÓÐS ÁRIÐ 2024

1 Hilmar Harðarson	Reykjavík
2 Tryggvi Arnarsson	Reykjavík
3 Helgi Ólafsson	Reykjavík
4 Þorsteinn Kristmundsson	Hveragerði
5 Georg Óskar Ólafsson	Reykjavík
6 Stefán Þór Pálsson	Reykjavík
7 Sigfinnur Gunnarsson	Reykjavík
8 Einar Þór Gíslason	Reykjavík
9 Vilhjálmur Gunnarsson	Akranesi
10 Hróbjartur Pálmar Hilmarsson	Reykjavík
11 Sveinn Jónsson	Reykjavík
12 Gunnar Björn Gunnbjörnsson	Reykjavík
13 Kjartan Tómasson	Kópavogur
14 Ólafur Kristinn Hafsteinsson	Hafnarfirði
15 Unnar Friðrik Sigurðsson	Akranesi
16 Birgir Gíslason	Kópavogi
17 Sigfús Birgir Haraldsson	Reykjavík
18 Úlfar Hróarsson	Hafnarfirði
19 Gestur Pálsson	Garðabæ



#### TILLAGA UPPSTILLINGARNEFDAR UM ÁDAL- OG VARAFULLTRÚÁ Á ÞINGI A.S.Í. ÁRIÐ 2024

- 1 Hilmar Harðarson
- 2 Tryggi Arnarsson
- 3 Ástvaldur Sigurðsson
- 4 Vilhjálmur Gunnarsson
- 5 Ólafur Magnússon
- 6 Georg Óskar Ólafsson
- 7 Heimir B. Janusarson
- 8 Einar Þór Gíslason
- 9 Helgi Ólafsson
- 10 Sigfinnur Gunnarsson
- 11 Þorsteinn Kristmundsson
- 12 Unnur Ósk Eggertsdóttir
- 13 Logi Halldórsson
- 14 Rúnar Bogason
- 15 Stefán Þór Pálsson
- 16 Kristján Þórðarson
- 17 Gunnar Halldór Gunnarsson
- 18 Einar Smári Garðarsson
- 19 Ólafur Kristinn Hafsteinsson
- 20 Kjartan Tómasson
- 21 Sigríður Runólfssdóttir
- 22 Stefán Sigurbjörn Agnarsson
- 23 Ingigerður Magnúsdóttir
- 24 Ragnheiður Mekkín Ragnarsdóttir

#### TILLAGA UPPSTILLINGARNEFDAR UM ÁDAL- OG VARAFULLTRÚÁ Á ÁDALFUNDI FESTU LÍFEYRISSJÓÐS ÁRIÐ 2024

- |                            |              |
|----------------------------|--------------|
| Ólafur Magnússon           | Reykjanesbæ  |
| Sigmar Björnsson           | Reykjanesbæ  |
| Logi Halldórsson           | Reykjanesbæ  |
| Hlynur Steinr Kristjánsson | Reykjanesbæ  |
| Guðjón Þórhallsson         | Reykjanesbæ  |
| Gunnlaugur Hauksson        | Suðurnesjabæ |
| Sveinbjörn Jónsson         | Reykjanesbæ  |

#### TILLAGA UPPSTILLINGARNEFDAR UM ÁDAL- OG VARAFULLTRÚÁ Á ÁDALFUNDI LÍFEYRISSJÓÐS VESTMANNAEYJA 2024

- |                       |                |
|-----------------------|----------------|
| Erlendur G Gunnarsson | Vestmannaeyjum |
| Rúnar Bogason         | Vestmannaeyjum |

#### TILLAGA UPPSTILLINGARNEFDAR UM ÁDAL- OG VARAFULLTRÚÁ Á ÁDALFUNDI LÍFEYRISSJÓÐS RANGÆINGA ÁRIÐ 2024

- |                     |           |
|---------------------|-----------|
| Heimir Hafsteinsson | Hellu     |
| Hilmar Harðarson    | Reykjavík |

#### TILLAGA UPPSTILLINGARNEFDAR UM ÁDAL- OG VARAFULLTRÚÁ Á ÁDALFUNDI GILDIS LÍFEYRISSJÓÐS ÁRIÐ 2024

- |                       |  |
|-----------------------|--|
| Jóhanna Stefnisdóttir |  |
| Lárus Árnar Sölvason  |  |





## Sumarútleiga orlofshúsa 2024

**Mánudaginn 12. febrúar** er opnað fyrir umsóknir á orlofshúsasíðu FIT þar sem hægt er að sækja um sumarúthlutun.

**Mánudaginn 19. febrúar** klukkan 13:00 er lokað fyrir umsóknir um sumarúthlutun.

**Miðvikudaginn 21. febrúar** eiga allir að hafa fengið svar við orlofsumsókn sinni.

**Mánudaginn 4. mars** lýkur greiðslufresti þeirra sem hafa fengið úthlutað.

**Priðjudaginn. 5. mars** klukkan 13:00 eru ógreiddar og óúthlutaðar vikur settar á orlofsvefinn og þá gildir „fyrstur kemur, fyrstur fær“.

## Golf

Golfahugamenn sem dvelja í eftirfarandi orlofsbústöðum FIT geta nýtt sér þessi fríðindi;

**Úthlið og Bláskógbabyggð:** Spilað frítt á Úthliðarvelli þann tíma sem þeir dvelja í bústöðum FIT. Aðgangskortið gildir fyrir 4 spilara á dag hjá Golfklúbbnum Úthlið. Allar upplýsingar í síma 699 5500. Aðgangskortið gildir fyrir bústaðina; Skógarás 1, Kóngsvegur 1, Kóngsvegur 3, Heiðarbraut 8 og Heiðarbraut 10.

**Borgarbraut 38, Stykkishólmi:** Spilað frítt á Víkurvelli í Stykkishólmi. Aðgangskortið gildir fyrir 4 spilara á dag hjá Golfklúbbnum Mosa. Allar uppl. í síma 438-1075.

Víkurvöllurinn er rétt hjá orlofshúsi FIT.

**Öndverðarnes:** Fengið 50% afslátt af vallargjöldum Golfklúbbs Öndverðarness eins og þau eru hverju sinni. Skilyrði er að bókað sé á vefnum golf.is Aðgangur gildir fyrir 6 spilara frá hverju húsi. Framvísa skal leigusamningi í golfskála og félagsskirteini FIT. Aðgangur að Öndverðarnesvelli gildir fyrir bústaðina; Grjóthólsbraut eitt til fjögur og Réttarhólsbraut 40.



## Gæludýr

Gæludýraeigendur hafa nú aðgang að þremur orlofshúsum FIT til samveru með sínum gæludýrum. Orlofshúsin sem um ræðir, þar sem gæludýr eru leyfð, eru í **Húsafelli, Birkilundi 2. og 3. og Skógarás í Úthlið**. Vinsamlegast athugið að lausaganga hunda er ekki leyfð á svæðinu.

**Fólk með ofnæmi fyrir dýrum er ráðlagt að fara ekki í þessa bústaði.**



# Allar umsóknir á orlofsvefnum

**Eingöngu er hægt að sækja um á netinu.** Þetta gildir fyrir alla orlofskosti sem sækja þarf um. Ef umsóknin vefst eitthvað fyrir fólk í má senda tölvupóst á fit@fit.is eða fá upplýsingar í síma 535 6000.

**Ekki er tekið við umsóknum í síma.** Þegar sótt er um raf-rænt þarf að innskrá sig með íslykli eða rafrænum skilríkum og velja viðeigandi mánuð og tímabil í því húsi sem leigja á.

**Félagsmenn eru hvattir til að sækja um sem flesta orlofskosti til að auka möguleika sína.**

**Sumarleiga orlofshúsa innanlands** hefst föstudaginn 7. júní og lýkur 23. ágúst. Leigutímabil er frá kl. 16:00 á föstudagi til 12:00 næsta föstudags.



**Ferðavagnar: Tjaldvagnar, fellihýsi og ferðabifreiðar.** Tjaldvagnar, fellihýsi og ferðabifreiðar. Félagsmenn geta keypt sér afslátt vegna leigu á ferðavagni á orlofsvef FIT. Hægt er að sækja um ferðavagnaafslátt sem einn af orlofskostum þegar sótt er um rafrænt á orlofshúsasíðu, þegar opnað verður fyrir umsóknir á orlofssíðu FIT. Þessi orlofskostur lýtur sömu reglum og leiga á orlofshúsum FIT. Í boði verða 30 ferðavagnaafslættir, og kostar 5.000 kr. og 20 orlofspunkta að fá 25.000 kr. afslátt á leigu. Hver félagsmaður getur einungis keypt einn afslátt. Þegar búið er að greiða fyrir afsláttinn á orlofsvefnum fær félagsmaður sent skjal sem þarf að prenta út og senda ásamt leigusamningi á fit@fit.is og verða þá greiddar 25.000 kr. inn á reikning félagsmanns.

## Uppfylla þarf eftirfarandi skilyrði:

- Leigusamningur þarf að vera á nafni félagsmanns.
- Leigusalí þarf að vera skráður og starfandi ferðavagnaleiga.
- Leigutími á leigusamningi þarf að vera að lágmarki 6 dagar.

**Ferðatilboð.** Líkt og undanfarin sumur verður boðið uppá 30 ferðatilboð sem hægt verður að nýta hjá Úrvall-Útsýn eða Sumarferðum. Kaupa þarf ferðatilboð í miðasölu á orlofsvef FIT og greiða kr. 5.000.- en í staðinn fæst afsláttarkóði upp á kr. 35.000.- sem sleginn er inn við kaup á ferð hjá annarri hvorri ferðaskrifstofunni. Afslátturinn gildir í ferðir á tímabilinu maí til september. Athugið að þeir sem kaupa ferðatilboð geta ekki fengið forgangsúthlutun í orlofshús. Teknir eru 26 orlofspunktar af orlofsreikningi félagsmanns ef keypt er ferðatilboð.

**Opnað verður fyrir sölu mánudaginn 6. febrúar og gildir strax að fyrstur kemur, fyrstur fær.**

Aðeins 30 ferðaávísanir eru til sölu.



**Ferðaávísun.** Ferðaávísun er inneign, sem félagsmenn geta notað til að greiða fyrir gistingu hjá einhverjum af fjölmörgum samstarfsaðilum okkar. Þú ert ekki skuldbundinn til að nota ávísunina á tilteku hóteli/gistiheimili, eftir að hún hefur verið keypt. Upphæðina getur þú notað hjá hvaða samstarfsaðila okkar sem er. FIT niðurgreiðir hverja keypta inneign um 20% að hámarki kr. 15.000 á hverju almanaksári.

**Miðasala.** Minnum einnig að inni á „miðasala“ á orlofsvef FIT verður hægt að kaupa veiðikortið, útilegukortið og afsláttarmiða í flug ásamt fleiru ef samningar takast um góð kjör.

**Afslættir til félagsmanna.** Munið að taka kortið með í fríið, því að félagsskírteinið veitir afsláttarkjör í mörgum fyrirtækjum um allt land gegn framvísun þess. Hægt er að kynna sér alla afsláttarmöguleika með því að fara inn á heimasiðu FIT, „mínar síður“ og velja afslætti.

## Húsið í Orlando

**Opnað verður fyrir leigu á húsinu í Orlando á Flóríða fyrir árið 2025, föstudaginn 1. mars n.k. kl.13:00 til félagsmanna FIT.** Minnt er á að húsið rúmar 12 manns og sólarhringsleigan verður kr. 12.000.- auk þrifagjalds kr. 15.000.- fyrir hverja leigu. Staðgreiða þarf leiguna en bókanir og greiðsla er á orlofsvef FIT. Leiga hefst kl. 16:00 á komudag og lýkur kl. 10:00 að morgni brottfarardags.

**LOKAD verður til 8. mars á bókanir þeirra sem hafa áður leigt húsið í Orlando.** Þannig er þeim sem aldrei hafa leigt húsið er veittur forgangur í eina viku fram yfir þá sem áður hafa leigt.

**Til að fá lyklakóða afhentan að húsinu í Orlando þarf leigjandi að framvísa flugmiða til Bandaríkjanna, sem sýnir veru hans þar á sama tíma og hann er að leigja húsið.** Þetta er gert til að tryggja að leigjandinn í hverju tilfelli sé sjálfur að fara í húsið.



# Umgengni í orlofshúsum FIT

**Leiguverðið á orlofshúsum í summarúthlutuninni 2024 verður óbreytt. Við minnum því á að forsenda þess að hægt sé að leigja orlofshúsin út á jafn hagstæðu verði og raun ber vitni er að leigjendum sé treyst fyrir því að ganga vel um og þrífa vel við brottför.**

## Snyrtimennskan borgar sig

Nú þegar það er búið að betrumbæta umsjón með bústöðum FIT þá ætti það að vera liðin til að félagsmenn komi að óþrifalegum bústaði. Það gerist samt sem áður að félagsmenn ganga ekki nægjanlega vel um og skila bústaðnum óhreinum. Ef umsjónarmenn í eftirliti verða varir við það þá er leigjanda sendur þrifareikningur.

## Kappkostum að ganga vel um

Það er gaman að geta hrósað félagsmönnum FIT fyrir góða umgengni í orlofshúsum félagsins en því miður er það ekki algilt. Það eru því miður einstaka félagsmenn sem ganga ekki snyrtilega um eigin sínar og annarra félagsmanna með nægjanlega mikilli virðingu.

Við eignum að kappkosta að ganga vel um, hvor sem við erum. Við skiljum ekki eftir rusl, matarleifar og óhreinindi í orlofsbústöðunum fyrir næstu félagsmenn, heldur göngum frá eftir okkur. Þetta er ekki flókið. Sýnum félagsmönnum og féluginu þá virðingu að ganga snyrtilega um.

Vissulega hefur fólk mismunandi „óhreinindastuðul“ en stundum er það bara þannig að fólk hefur hreinlega snúið frá og farið heim aftur frekar en taka við húsi sem er óþrifid, með mat í ofni, óhreint á borðum og ælu í sturtubotni. Þessi lýsing er sem betur fer sjaldgæf en hún er þó sönn. Hitt er allt of algengt að þrifin séu ekki nógu góð og ekki sé þvegið yfir gólfín, líka þau sem ekki voru notuð, svo sem svefnloft. Það er einfaldlega þannig að alltaf safnast fyrir ryk og kusk þó herbergi eða svefnloft séu ekki notuð og því nauðsynlegt að stríjúka yfir þau líka.

Félagsmaðurinn getur núna hringt í umsjónarmann bústaðar og fengið bústaðinn þrifinn gegn vægu gjaldi. Kappkostum að ganga vel um. Sjá símanúmer umsjónarmanns á leigusamningi.

**Hér að neðan eru mikilvæg atriði sem vert er að lesa áður en lagt er af stað í orlofshús / íbúð FIT.**

- Ef eitthvað er í ólagi í húsinu, skemmist eða brotnar meðan á dvöl ykkar stendur þá látið skrifstofu félagsins vita sem fyrst í síma **535 6000**, eða sendið póst á netfangið **fit@fit.is**.
- Leigutaki þarf að sjá um að húsið sé vel þrifid við brottför. Ef frágangi eða annarri umgengni er ábótavant áskilur FIT sér rétt til að innheimta sérstakt gjald af leigutaka fyrir þrif. **Þrifagjald er að lágmarki kr. 25.000.**
- Ef um tjón eða skemmdir á húsbúnaði / eignum FIT er að ræða og kostnaður því samhliða, ber leigutaka að greiða fyrir slíkt.
- Reikningur fyrir þrifum og/eða skemmdum verður sendur félagsmanni og er gjaldrestur reiknings 15 dagar. Sé reikningur ekki greiddur innan tiltekins frests verður reikningurinn sendur í innheimtu með tilheyrandi kostnaði fyrir félagsmanninn, jafnframt er lokað á aðgang viðkomandi félagsmanns að orlofsvefnum þar til viðkomandi hefur gert upp sín mál gagnvart féluginu.
- Félagsmenn FIT fá að hámarki fulla inneign í orlofshúsakerfi FIT vegna viðurkenndra kvartana á orlofshúsum/íbúðum FIT. Allar kvartanir þurfa að berast skrifstofu FIT svo fljótt sem verða má. Gott er að senda myndir til staðfestingar ef hægt er.

# Vorverkin í garðinum



**Það hljómar kannski dálítið undarlega í lok janúar en vorið er á næsta leiti. Reyndar er hægt að fullyrða að í garðyrkjustöðvum bresti á með harðasta vori strax í lok janúar, þegar fyrstu sumarblómafræin falla í sáðmold í gróðurhúsum. Þá verður ekki aftur snúið. Í görðum landsmanna lætur vorið hins vegar ekki á sér kræla alveg strax en það er um að gera að nota tímann þangað til til skipulagningar á vorverkunum og jafnvel að sjá fyrir sér hversu blómlegt sumarið verður í garðinum.**

Tími trjáklippinga gengur nú senn í garð. Garðyrkjufraeðingar landsins eru nú þegar farnir að brýna klippur sínar og brátt mun vinalegt suð limgerðisklippanna hljóma í eyrum garðeigenda. Þeir sem ekki eiga síkar græjur geta að sjálfsgöðu valið að versla við fagmenn enda er það mjög til eftirbreytni. Aðrir vilja sjá um sínar trjáklippingar sjálfir og eiga allar helstu græjur til verkanna. Gott er að velja dag til klippinganna þegar ekki er mikill snjór á jördum.

Vaxtarmótandi klippingar á trjám og runnum er gott að framkvæma að vorlagi, áður en plönturnar laugast því þá er gott að sjá hvaða greinar eru dauðar eða skemmdar eða liggja utan í öðrum greinum og geta valdið skemmdum. Að sama skapi er þetta góður tími til að stýra umfangi plantna og klippa frá gönguleiðum. Limgerði er gott að klippa í svokallað A-lag, þá njóta hliðar limgerðisins góðrar birtu frá toppi til tár og það nær að laugast alla leið upp. Það er í góðu lagi að klippa trjákenndar plöntur fram eftir sumri, á meðan þær eru í vexti enda eru þær þá fljótar að loka sárum sínum. Ekki er mælt með því að klippa þessar plöntur á haustin vegna hættu á sveppasýkingum.

Hreinsun á beðum er hluti af vorverkunum og reyndar má segja að þá hlaupi fólk kapp í kinn, sumir vilja gera þetta eins fljótt og auðið er en þarna getur verið gott að sýna aðeins biðlund. Gamlir stönglar og laufblöð frá fyrra ári sem liggja yfir gróðri hlífa plöntunum fyrir veðri og vindum og getur það komið sér vel ef brestur á með seinum vorfrostum, eins og dæmin sanna. Þó ætti að vera óhætt að skella sér í garðhreingninguna þegar farið er að hlýna í lofti og sumarið er í augssýn. Að sjálfsgöðu á allt lífraelnt efni sem fellur til í garðinum, hvort sem það kemur úr limgerðisklippingunum, vorhreinsuninni eða almennu viðhaldi í garðinum yfir sumarið, að fara lóðbeint í safnhauginn. Vel þroskuð safnhaugamold er svo notuð sem áburður og dreift yfir beðin í garðinum þegar hún er tilbúin.

Grasflötin er mörgum hugleikin og falleg grasflót er til mikillar prýði í görðum. Snemma vors, áður en grasið fer að vaxa, er tilvalið að fara út og hreinsa mesta mosann úr grasflötinni. Þetta má gera með hrifu en einnig er hægt að leigja sér sérstakan mosatætara til verksins. Mosinn er svo rakaður saman og settur í safnhauginn. Næsta skref er að koma kalkríkum áburði í grasflötina og jafnvel grasfræi í helstu skallabletti til þéttigar. Þó má hafa í huga að gras þrifst best á sólríkum stað og ef hlutfall mosa er orðið mjög hátt í grasflötinni er hugsanlega of skuggsælt fyrir grasið. Við slík skilyrði gæti verið góð hugmynd að búa til skuggabeð með burknum og brúskum eða öðrum tegundum sem dafna vel í skugganum og þekja vel jarðveg.

Eitt af mikilvægustu vorverkunum er að stinga upp matjurtagarðinn og ákveða hvaða matjurtir að rækta yfir sumarið. Vonandi eru sem flestir með kartöflur í garði sínum því fátt er betra en nýuppteknar

kartöflur með smjöri, salti og steinselju, einar sér eða sem meðlæti með einhverju góðu gúmmelaði. Um leið og matjurtagarðurinn er stunginn upp er gott að koma lífrænu efni í garðinn, til dæmis safnhaugamold úr eigin framleiðslu eða húsdýraáburði. Samkvæmt danskri hefð er gott að setja kartöflur niður þegar hitastigið í jarðveginum er komið í 8°C. Mögulega er hægt að gefa íslenskan afslátt af þessu hitastigi en breiða akryldúk yfir beðin, undir dúknum getur hitastigið verið 2-3 °C hærra en fyrir utan dúkinn. Gulróturnum er gott að sá eins snemma og kostur er en gott er að bíða með gróðursetningu annarra matjurta fram yfir mánaðamótin maí-júní. Ef vermireitir eða gróðurhús eru í garðinum er að sjálfsgöðu hægt að fara mun fyrr af stað.

Áburðargjöf flokkast undir vorverkin og nauðsynlegt að allar plönturnar í garðinum fái gott fóður í veganestii inn í sumarið. Tímasetning fyrstu áburðargjafar er um það leyti sem fer að sjást í grænt á plöntunum, þá eru plönturnar klárar í að fara að taka upp áburð úr jarðveginum. Ef farið er of snemma af stað með áburðargjöf er hætt við því að mikilvæg næringarefni skolist út úr jarðveginum, áður en plönturnar ná að nýta sér þau. Þessu má líkja við matarsónum og þar vill enginn vera. Garðeigandinn getur valið að nota tilbúinn áburð eða áburð af lífrænum toga í garðinn sinn. Tilbúinn áburður nýttist plöntum fljótt og vel en hefur lítil áhrif á jarðveginum í garðinum. Áburður af lífrænum uppruna þarf að brotna vel niður áður en hann nýttist plöntum en hann inniheldur mikilvægar örverur sem stuðla að góðri jarðvegsbyggingu. Einnig er hægt að nota blöndu af hvoru tveggja en þá notar maður heldur minna af hvoru fyrir sig. Mikilvægt er að fylgja leiðbeiningum um áburðarmagn, gefa ekki of mikið í einu því það getur haft slæmar afleiðingar fyrir plönturnar.

Garðverkin eru eins og góð líkamsrækt, stundum dálítið erfitt að koma sér af stað en þegar þau eru afstaðin er líðanin frábær. Það er engin tilviljun að garðyrkjufólk er í frábæru formi og alltaf með bros á vör.

**Guðríður Helgadóttir,**  
garðyrkjufraeðingur





# Trúnaðarmaðurinn

## Mikilvægt er að fjalla um hlutverk trúnaðarmannsins

Skyrt er kveðið á um hlutverk trúnaðarmanns í lögum um stéttarfélög og vinnudeilur. Samkvæmt 9. gr. laga um stéttarfélög og vinnudeilur nr. 80/1938 er það hlutverk trúnaðarmanns að gæta þess að gerðir samningar séu haldnir af atvinnurekanda og fulltrúum hans og að ekki sé gengið á félagslegan eða borgaralegan rétt verkamanna.

## Ellefti kafli kjarasamninga fjallar um trúnaðarmenn

Trúnaðarmaður er fulltrúi stéttarfélagsins á vinnustaðnum og sem slíkur er hann tengiliður félagsins og starfsmannanna. Hlutverk trúnaðarmanna á vinnustöðum er mjög mikilvægt, bæði fyrir félagsmenn og ekki síst fyrir stjórn félagsins og starfsmenn.

Trúnaðarmaður er félagsmaður í stéttarfélagi sem valinn er af samstarfsmönnum sínum til þess að gæta hagsmunu þeirra gagnvart vinnuvitanda. Starfsmönnum er heimilt að kjósa einn trúnaðarmann á hverjum vinnustað þar sem starfa 5 til 50 starfsmenn og 2 trúnaðarmenn séu starfsmenn fleiri en 50.

Trúnaðarmaður stendur ekki einn og eru stjórn og starfsmenn stéttarfélags honum til aðstoðar við að leysa úr þeim erindum sem upp kunna að koma og heyra undir starfssvið stéttarfélagsins. Mikilvægasta hlutverk trúnaðarmannsins er að vera tengiliður milli félagsmanna á vinnustað og vinnuvitanda annars vegar og milli félagsmanna og stéttarfélags hins vegar.





## Trúnaðarmaður veitir starfsmönnum upplýsingar

Hlutverk trúnaðarmanna er m.a. að þekkja vel til kjarasamnings og þekkja einnig leiðir til úrlausnar ágreiningsmála. Trúnaðarmaður getur ávallt leitað til starfsmanna félagsins við úrlausn mála. Trúnaðarmaður er tengiliður starfsfólks við FIT. Starfsfólk FIT er ávallt tilbúið að veita ráðgjöf og stuðning til handa trúnaðarmönnum. Það er einnig mjög mikilvægt að trúnaðarmenn fái fræðslu um sitt hlutverk. Reglulega eru því haldin námskeið hjá félaginu til að þeir geti bætt við þekkingu sína og hæfni. Laun skerðast ekki meðan trúnaðarmaður situr námskeið á vegum FIT.

Launþegum ber að snúa sér til trúnaðarmannsins með umkvartanir sínar yfir atvinnurekanda og fulltrúum hans. Trúnaðarmanninum ber þá að rannsaka málið strax. Komist hann að því að umkvartanir eigi við rök að styðjast skal hann snúa sér til atvinnurekandans eða fulltrúa hans með umkvörtun og kröfu um lagfæringu. Trúnaðarmaðurinn þarf ekki að biða þess að kvörtun berist, ef hann grunar að það sé verið að brjóta á starfsmanni getur hann strax hafist handa við að skoða málið.

## Trúnaðarmaður skal í engu gjalda þess hjá atvinnurekanda eða verkstjóra að hann beri fram kvartanir fyrir hönd starfsmanna

Óheimilt er að segja trúnaðarmönnum upp vinnu vegna starfa þeirra sem trúnaðarmanna eða láta þá á nokkurn annan hátt gjalda þess að stéttarfélag hefur falið þeim að gegna trúnaðarmannsstörfum fyrir sig. Ef fækka þarf starfsmönnum skal trúnaðarmaður að öðru jöfnu sitja fyrir um að halda vinnunni.

Trúnaðarmaður skal hafa aðgang að læstri hirslu á vinnustað og er heimilt að sinna vinnu sinni sem trúnaðarmaður í samráði við verkstjóra og eiga laun hans ekki að skerðast af þeim sökum.

**Trúnaðarmanni er heimilt að boða til vinnustáðafunda tvívar á ári í samráði við stéttarfélagið og atvinnurekanda. Fundinn skal boða með þriggja daga fyrirvara og skal fundurinn haldinn á vinnutíma.**

## Trúnaðarmanna-námskeið

Trúnaðarmannanámskeið verður haldið á **Stórhöfða 31, daganna 22. og 23. febrúar**.

Við hvetjum félags-men til að kjósa trúnaðarmann á sínum vinnustað og láta FIT í kjölfarið vita um niðurstöðu kjörsins. Trúnaðarmanni verður í kjölfarið boðið á námskeið, að undangenginni staðfestingu á kosningu. Fyrirspurnir og tilkynningar um trúnaðarmenn skal senda á **fit@fit.is**



”  
**Varð yfir  
mig hrifin  
af skólanum”**

**Berglind Ástgeirsdóttir, umhverfisstjóri hjá Reykjanesháus, féll fyrir Garðyrkjuskólanum á Reykjum þegar hún fylgdi þangað hópi unglings í fræðsluferð. Heimsóknin var hluti af sérstöku skógræktarátaki á vegum bæjarins. Hún var þá rúmlega tvítug og ákvað í framhaldinu að sækja um skólavist. „Ég hóf í kjölfarið nám við skólann og sótti svo um að komast á samning hjá Nesprýði, sem var þá eitt stærsta skrúðgarðyrkjufyrirtækið á landinu,” segir Berglind. Að námi loknu, árið 2008, sótti hún um starf garðyrkjufraðings hjá Reykjanesháus. Þar starfar hún enn, 15 árum síðar, nú sem umhverfisstjóri.**

Berglind segir í samtali við FIT að þannig hafi tilviljun ráðið því að hún fór inn á þessa braut. Hún hafði lært tækniteikningu og hafði fram að þessari stundu haft áhuga á að bæta við sig námi á því svíði. „En ég varð yfir mig hrifin af skólanum, í þessari heimsókn. Ég hef alltaf verið skipulagsmegin í lífinu og haft áhuga á umhverfisskipulagi,” segir hún. Þetta nám hafi þannig hentað henni vel.

Hún segir það hafa verið draum að eiga kost á því að vinna utan-dyra á sumrin en inni á veturna. Sá draumur hafi orðið að veruleika í því stjórnendahlutverki sem hún gegnir í dag. „Í raun vinn ég í dag meiri hluta ársins inni en er töluvert úti á sumrin. Ég fæst aðallega sjálf við að stýra verkefnum og eiga samskipti við verkata. En annars eru verkefnin mjög fjölbreytt.“

### **Skógrækt krefjandi á Suðurnesjum**

Garðyrkja getur verið snúin á Íslandi, eins og gefur að skilja. Suðurnesin, þar sem náttúrulegt skjólleysi og berangur er einkennandi, hlýtur að vera enn meiri áskorun. Undir það tekur Berglind. „Það er ekki nóg að setja niður plöntur úti í móa. Við þurfum virkilega að hlúa að þeim svo þær komist á legg. Við erum sifellt að prófa okkur áfram og gera tilraunir. Það er alltaf eitthvað sem kemur upp af því sem við gróðursetjum,” segir hún en bætir við að vinnustaðurinn búi svo vel að hafa skógræðing innan sinna végbanda.

### **Betra aðgengi að upplýsingum**

Berglind hefur gegnt stöðu trúnaðarmanns FIT á sviðinu undanfarið ár eða svo. Hún segir að hlutverkið henti henni vel enda felist í þessu hlutverki ákveðin tegund skipulags. Hún vilji þekkja þá ferla sem eru til staðar og vita hvaða leiðir eru fólk færar. „Þetta hlutverk er mjög fræðandi og upplýsandi. Maður lærir mikið á því að sækja trúnaðarmannanámskeið og ég fylgist betur með félaginu en ég hefði annars gert. Það gefur mér mikið að geta leiðbeint öðrum sem þurfa á aðstoð að halda,” segir hún. Hún segist í hlutverki sínu til dæmis hafa tekið að sér að koma ábendingum til félagsins um hluti sem betur mega fara. Hún leiðbeinir fólk og situr með því fundi með yfirmönnum, eftir atvikum.

Aðspurð segir Berglind að hún telji að fólk þekki réttindi sín almennt frekar vel. „Það verður sifellt mikilvægara að þekkja réttindi sín eftir því sem vinnustaðurinn stækkar,” útskýrir hún. Berglind hefur orð á því að aðgengi að upplýsingum sé á réttri leið. „Mér finnst aðgengi að upplýsingum frá FIT hafa batnað á undanförnum árum. Félagið er duglegt að koma á framfæri upplýsingum í litlum skömmum og á mannamáli. Það skiptir málir og leiðir til þess að fleiri fylgjast með.“

“

## Tilviljun að ég fetaði þessa braut”



**Hjalti Þór Þórðarson blikksmiður starfar hjá Blikksmiðnum hf. í Reykjavík, sem er um 50 manna vinnustaður. Fyrirtækið fæst að mestu við uppsettingu og aðra vinnu við loftræstikerfi. Hjalti segir í samtali við Fréttabréf FIT að hann hafið störf hjá fyrirtækinu fyrir um fimm árum, fyrir hálfgerða tilviljun.**

**„Ég er í dag 48 ára og hafði fengist við ýmislegt í gegn um tíðina. Ég sá starf auglýst og langaði að læra að smíða úr málmi. Ég sótti bara um og fékk starfið.“**

Fljótlega eftir að Hjalti hóf störf fór hann að læra blikksmiði samhliða vinnunni. Hann segir að námið í Borgarholtskóla hafi verið mjög áhugavert og fjölbreytt. „Maður fær að prófa flest sem viðkemur því að smíða úr málum, auk þess að læra tæknilegu hliðina á loftræstikerfum,” segir hann um námið.


Eins og áður segir er Hjalti trúnaðarmaður á vinnustaðnum. Hann hefur að sögn gegnt því hlutverki í hálfum annað ár. Hann segir að flest starfsfólk sé félagsbundið FIT. „Þetta hefur verið frekar létt hlutverk og ég hef ekki þurft að beita mér mikið. Þetta er ekki mikið álag, þannig séð.“

Hjalti segir aðspurður að allur gangur sé á því hversu vel fólk þekki kjarasamningsbundin réttindi sín og skyldur. „Það er svölinnið mismunandi eftir þjóðerni en svo má alveg segja að það er alls ekkert gefið að Íslendingarnir þekki réttindin sín eða viti hvernig að lesa í launaseðilinn. Fræðsla um þessi mál ætti að vera partur af iðnnáminu, finnst mér.“

Hjalti lauk sveinsprófi í hittiðfyrra og segist finna sig vel í blikkinu. „Þetta er mjög skemmtilegt og á vel við mig, þrátt fyrir að það hafi verið tilviljun að ég fetaði þessa braut,” segir hann að lokum.

“

## Gefandi að geta hjálpað öðrum”



„Það er mikilvægt að fylgjast með því að raunverulegt jafnrétti ríki á vinnustaðnum, bæði þegar kemur að launum og á gólfuru. Það er líka mikilvægt að starfsfólk hafi einhvern til að tala við“ segir bifvélavirkjameistarinn og trúnaðarmaðurinn **Svavar Örn Höskuldsson**. Svavar er aðstoðarverkstjóri hjá **Velti Express**, sem er verkstæði fyrir atvinnubíla og hluti af samstæðu Brimborgar.

Spurður hvers vegna hann hafi valið sér þessa starfsbraut svarar Svavar því til að honum henti vel að vinna með höndunum en sé síður hrifinn af bókinni. Hann hafi auk þess alltaf verið hrifinn af bílum. „Ég er lesblindur og finnst ekkert gaman að lesa. Ég er hins vegar með ljósmyndaminni og það hjálpar mér mikið í starfinu mínu,“ segir hann við FIT.

### Lærði mikið í Svíþjóð

Svavar lauk námi í bifvélavirkjun 2012 og fór þaðan beint í meistaráná�. Því námi lauk hann árið 2014. Eftir útskrift lá leiðin til Svíþjóðar. Eftir hálf annað ár í Svíþjóð fékk hann vinnu við gæðastjórnun í mótorsamsetningum hjá Volvo í Skövde. Þar vann hann í tvö og hálf ár og lærði mikið áður en fjölskyldan flutti heim.

Að loknu fæðingarorlofi sótti hann um hjá Velti og fór að gera við vörubíla og rútur. „Par er ég í dag. Ég sé um strákana á gólfuru auk þess að skrifa út nema. Ég er til dæmis með þrjá nema núna.“ Hann segir mjög gefandi að kenna nemum en í því hlutverki sé áberandi hversu hratt bifvélavirkjunin þróist. Í dag sé áherslan á ferilbækur auk þess sem innihald námsins hafi tekið breytingum. Bifvélavirkjar þurfi til dæmis ekki lengur að sitja áfanga í loftbremsum fyrir vörubíla. Það er miður.“

Símenntun er mikilvægur hluti af veruleika bifvélavirkja, enda eru tækniframfarir í bílum örar um þessar mundir - ekki síst vegna orkuskipta. „Þetta er stöðugur lærðómur. Við erum t.d. þrír í húsinu sem höfum farið til Svíþjóðar á rafmagnsnámskeið. Maður þarf réttindi frá Volvo til að mega eiga við rafkerfin. Það er auðvitað gífurleg tölvuvæðing í bílum í dag. Það er alltaf verið að finna upp eitthvað nýtt og betra.“

### Skerst í leikinn ef þörf krefur

Svavar hefur verið trúnaðarmaður á vinnustaðnum í fjögur ár. Hann segir að mikilvægur hluti þess starfs sé að kunna að hlusta á folk, sérstaklega ef því líður illa, og leiðbeina því eftir því sem færí gefst. Hann segir líka mikilvægt að fylgjast með vinnustáðamenningunni. Þar eigi jafnrétti að vera í öndvegi. „Sem trúnaðarmaður þarf maður að skerast í leikinn ef einhver er órétti beittur. Mér finnst mjög gefandi að geta hjálpað öðrum. Fólk getur rætt við mig um hluti sem það treystir sér kannski ekki til að ræða beint við yfirmann,“ útskýrir hann.

Svavar fylgist vel með starfsemi FIT og mætir vel á námskeið og kjarafundi, svo eitthvað sé nefnt. Hann segist vilja vera vel með á nótunum og rækja hlutverk sitt af kostgæfni enda sé starf trúnaðarmanns afar mikilvægt.

# 36 stunda vinnuvika

Dagvinnutími samkvæmt kjarasamningi Samiðnar og Samtaka atvinnulífsins, sem undirritaður var 12. desember 2022, verður samræmdur í 36 virkar vinnustundir á viku frá og með 1. febrúar 2024. Það gera 7,2 vinnustundir á dag.

Deilitala dagvinnutímakaups tekur líka breytingum og verður 156 tímar.

Allt launafólk í FIT sem hefur unnið fleiri en 36 virkar vinnustundir á viku fyrir 1. febrúar 2024 skulu fækka dagvinnustundum. Félagið bendir félagsfólkí á að fylgjast með launaseðlum (tímaskýrslu) til að fylgja þessari breytingu eftir. Ekki hika við að hafa samband við FIT ef þörf krefur.



# Prís

Finndu lægsta verðið með einum smelli...

Náðu í appið -> [asi.is/pris](http://asi.is/pris)



# Sveinsprófs afhending á Hilton

Sveinsbréf voru afhent við hátiðlega athöfn á Hilton hótel þann 21. nóvember síðastliðinn. Þar útskrifaðist stór hópur efnilegra iðnaðarmanna úr greinum FIT, eða 56 nemendur.

Hópurinn skiptist þannig:

Vélvirkjun	2
Bifvélavirkjun	18
Snyrtifræði	13
Hársnyrtíðn	23

Útskriftarathfnir ársins 2023 voru óvenjulega fjölmennar og ljóst að mikill fjöldi nýsveina frá FIT hefur hafið störf á vinnumarkaði. Það er afar gleðilegt og ljóst að framtíðin er björt. FIT óskar þessu efnilega fólk til hamingju með áfangann og hlakkar til samstarfsins á komandi árum og áratugum.







# KYNNTU ÞÉR ÞÍN RÉTTINDI

Á SJÓÐFÉLAGAVEFNUM  
FINNUR ÞÚ MEÐAL ANNARS:

- ✓ Stöðu réttinda
- ✓ Stöðu séreignarsparnaðar
- ✓ Yfirlit yfir greiðslur
- ✓ Gert lífeyrisáætlun
- ✓ Hvort þú hefur lánsrétt

birta.is   
480 7000   
Sundagarðar 2,   
104 Reykjavík